

**Društvo za reviziju  
PERLA d.o.o. Sarajevo**

**IZVJEŠTAJ O  
TRANSPARENTNOSTI**

*za period  
01.01.-31.12.2023.*

**Društvo za reviziju PERLA d.o.o. Sarajevo**

---

## Sadržaj

|                                                                                                                                                                |   |
|----------------------------------------------------------------------------------------------------------------------------------------------------------------|---|
| UVOD .....                                                                                                                                                     | 2 |
| 1. OPIS PRAVNE FORME I VLASNIŠTVA DRUŠTVA ZA REVIZIJU .....                                                                                                    | 2 |
| 2. OPIS UPRAVLJAČKE STRUKTURE DRUŠTVA .....                                                                                                                    | 2 |
| 2. OPIS SISTEMA INTERNE KONTROLE KVALITETE DRUŠTVA ZA REVIZIJU .....                                                                                           | 3 |
| 3. EKSTERNA PROVJERA KVALITETE RADA DRUŠTVA ZA REVIZIJU .....                                                                                                  | 5 |
| 4. POPIS SUBJEKATA OD JAVNOG INTERESA KOD KOJIH JE DRUŠTVO IZVRŠILO REVIZIJU .....                                                                             | 5 |
| 5. IZJAVA O PROCEDURAMA I NEOVISNOST RADA DRUŠTVA .....                                                                                                        | 6 |
| 6. IZJAVA O POLITICI DRUŠTVA ZA REVIZIJU U VEZI SA KONTINUIRANIM PROFESIONALNIM<br>USAVRŠAVANJEM LICENCIRANIH OVLAŠTENIH REVIZORA .....                        | 6 |
| 7. FINANSIJSKE INFORMACIJE O OSTVARENIM PRIHODIMA .....                                                                                                        | 6 |
| 8. INFORMACIJE O PARAMETRIMA ZA UTVRĐIVANJE ZARADA OVLAŠTENIH REVIZORA KOJI<br>POTPISUJU IZVJEŠTAJE O OBAVLJENIM REVIZIJAMA SUBJEKATA OD JAVNOG INTERESA ..... | 7 |

## **IZVJEŠTAJ O TRANSPARENTNOSTI ZA 2023. GODINU**

### **UVOD**

Ovaj izvještaj o transparentnosti objavljuje se u skladu s odredbama člana 82. Zakona o računovodstvu i reviziji (Službene novine FBiH broj 15/21).

### **1. OPIS PRAVNE FORME I VLASNIŠTVA DRUŠTVA ZA REVIZIJU**

PERLA d.o.o. Sarajevo osnovano je 2008. godine kao društvo sa ograničenom odgovornošću (u daljnjem tekstu Društvo). Upisano je u sudski registar nadležnog suda pod matičnim brojem 65-01-0349-08.

Identifikacijski broj je 4201358590004.

Društvo je registrovano za obavljanje računovodstvene, knjigovodstvene, revizijske djelatnosti i porezno savjetovanje, te je razvrstano pod šifru djelatnosti 69.20 prema klasifikaciji djelatnosti Zavoda za statistiku FBiH.

Osnivači Društva:

- Ankica Kolobarić sa 51% i
- Remzija Bejtović sa 49% .

Društvo posluje samostalno i ne pripada grupi.

### **2. OPIS UPRAVLJAČKE STRUKTURE DRUŠTVA**

Upravu društva čini Remzija Bejtović, direktor bez ograničenja ovlaštenja.

Alma Delić je prokurist društva.

Revizijske izvještaje potpisuju ovlašteni revizori društva. Ovlašteni revizori društva su:

- Alma Delić i
- Ankica Kolobarić.

## 2. OPIS SISTEMA INTERNE KONTROLE KVALITETE DRUŠTVA ZA REVIZIJU

Funkcionisanje sistema interne kontrole osigurava se kroz usvojenu metodologiju i procedure za provođenje revizije kao i primjenom odredbi Pravilnika o metodologiji revizije finansijskih izvještaja.

Društvo je usvojilo interne politike kontrole kvalitete koje su izrađene na bazi standarda koje je izdala Međunarodna federacija računovođa (IFAC), uključujući i Međunarodni standard kontrole kvalitete 1 (ISQC1). Osim standarda koje zahtijeva ISQC1, održavamo sisteme kontrole kvalitete, koji su dizajnirani kako bi zadovoljili pravila i standarde koje je izdala Revizorska komora FBiH.

Naše politike odražavaju pojedine elemente kontrole kvalitete kako bi partneri i zaposlenici djelovali s integritetom i objektivnošću te profesionalno obavljali svoj posao, a sve u skladu s primjenjivim zakonima, propisima i profesionalnim standardima.

U nastavku je sažetak ključnih politika, stavova, ponašanja i postupaka kojima osiguravamo kontinuirano održavanje visokog nivoa kvalitete u obavljanju revizijskih angažmana.

Sistem kontrole kvalitete Društva utemeljen je na ključnim elementima:

- Odgovornost uprave za kvalitetu rada;
- Etički zahtjevi;
- Ljudski resursi;
- Obavljanje angažmana;

### **Odgovornost Uprave za kvalitetu rada**

Uprava se zalaže i poduzima sve potrebne aktivnosti kako bi se osiguralo da poslovanje PERLA d.o.o. predstavlja sinonim za kvalitetu, neovisnost, objektivnost i etičko ponašanje.

Uposlenici su educirani i informirani o standardima i smjernicama koje služe kao pomoć u pružanju visoko kvalitetnih usluga našim klijentima.

Uprava svakodnevno, u svakoj prilici naglašava značaj zadržavanja standarda kvalitete na visokom nivou.

## **Etički zahtjevi**

- Integritet i objektivnost

Ugled i uspjeh PERLA d.o.o. zavisi o profesionalnosti i integritetu članova Uprave i uposlenika. Svi uposlenici dužni su poštivati profesionalne etičke standarde. Navedeni standardi zahtijevaju da uposlenici posjeduju kompetencije, da postupaju s integritetom, objektivnošću i s dužnom pažnjom, da poštuju pravila povjerljivosti te da se ponašaju profesionalno.

Naši etički standardi u potpunosti udovoljavaju etičkom kodeksu IFAC-a.

Uposlenici u našem društvu obvezno potpisuju Izjavu o tajnosti i povjerljivosti podataka.

- Neovisnost

PERLA d.o.o poštuje pravila neovisnosti u skladu sa revizorskim standardima, kao i drugim relevantnim pravilima struke. Društvo prati usklađenost s regulatornim i stručnim zahtjevima kao i zahtjevima za neovisnost našeg društva u odnosu na klijente.

Klijentima se dostavlja Izjava o neovisnosti.

## **Ljudski potencijali**

- Upošljavanje

Naše poslovanje utemeljeno je na načelu da kvaliteta obavljenih revizijskih angažmana ovisi o kvaliteti osoba koje zapošljavamo. Zato smo usvojili politike i postupke koji pružaju razumno jamstvo da se upošljavaju osobe sa potrebnim sposobnostima, kompetencijama i etičkim načelima potrebnim za obavljanje angažmana u skladu sa standardima revizorske profesije i zahtjevima regulativnog i zakonodavnog tijela.

- Profesionalni razvoj

Edukacija je trajan proces. Započinje prilikom upošljavanja osobe i nastavlja se tokom cijelog radnog vijeka te osobe. Naši uposlenici učestvuju u različitim formalnim obukama, a također se kontinuirano obučavaju kroz posao. Područja u kojima se provodi edukacija uključuju reviziju, temeljne kompetencije u računovodstvu kao i specijalizirana područja na kojima uposlenik djeluje. Svi uposlenici prolaze kontinuiranu edukaciju. Ključna odgovornost Uprave i ovlaštenih revizora su aktivnosti na razvoju svih uposlenika kroz treninge, obuke, razmjenu iskustava i nadzor.

Društvo također osigurava poštivanje profesionalnih standarda o povremenoj količini i cikličkoj prirodi potrebnog stručnog obrazovanja. Također, ovlašteni revizori u potpunosti su uključeni u kontinuirani program obrazovanja kroz seminare koji su obavezni za sticanje uslova za obnavljanje licence za obavljanje revizije.

- Nadzor i usmjeravanje

Ovlašteni revizori kao voditelji timova imaju odgovornost alocirati stručno osposobljene uposlenike koji imaju potrebne kompetencije u datim okolnostima. Nadalje, oni su odgovorni za utvrđivanje obima aktivnosti, nadzora i kontrole rada manje iskusnih uposlenika kojima je posao delegiran.

### **Obavljanje revizije**

Konsultacije unutar timova i između uposlenika su važan element kontrole kvalitete. Definisani su postupci za situacije u kojima članovi tima imaju različite stavove i mišljenja o nekim detaljima, do konačnog usuglašavanja.

Zaduženi za upravljanje rizicima aktivno su uključeni u postupke prihvatanja i zadržavanja klijenata, i razmatranja o nastavku poslovanja i druga relevantna pitanja.

Uprava Društva smatra da je naprijed opisano okruženje kontrole kvalitete u skladu sa svim primjenjivim propisima i da pruža razumnu osnovu za uvjerenje da su revizije finansijskih izvještaja za prethodnu godinu koje je obavila PERLA d.o.o. u skladu s odredbama standarda kvalitete rada.

## **3. EKSTERNA PROVJERA KVALITETE RADA DRUŠTVA ZA REVIZIJU**

Revizorska komora FBiH svake godine provodi indirektni nadzor nad poslovanjem Društva.

## **4. POPIS SUBJEKATA OD JAVNOG INTERESA KOD KOJIH JE DRUŠTVO IZVRŠILO REVIZIJU**

PERLA d.o.o. Sarajevo je u toku 2023. godine izvršilo reviziju finansijskih izvještaja za 2022. godinu sljedećih klijenata koji imaju status subjekta od javnog interesa:

- POBJEDA TECHNOLOGY d.d. Goražde
- JU Dom zdravlja Busovača
- JP BH POŠTA d.o.o. Sarajevo

## 5. IZJAVA O PROCEDURAMA I NEOVISNOST RADA DRUŠTVA

Uprava društva PERLA d.o.o. ovom Izjavom potvrđuje da je obavljen interni nadzor zahtjeva o neovisnosti.

Svi uposlenici društva imaju obavezu poštovati stroge regulatorne i stručne zahtjeve za neovisnost. Ova pitanja se kontinuirano raspravljaju u postupku prihvatanja klijenta.

U skladu s odredbama Kodeksa profesionalne etike revizora i odredbama Zakona o računovodstvu i reviziji FBiH, uposlenici društva u cijelosti poštuju standarde neovisnosti u cilju izbjegavanja sukoba interesa koji bi mogli uticati na integritet, objektivnost i nepristranost u pružanju usluga klijentima.

## 6. IZJAVA O POLITICI DRUŠTVA ZA REVIZIJU U VEZI SA KONTINUIRANIM PROFESIONALNIM USAVRŠAVANJEM LICENCIраниH OVLAŠTENIH REVIZORA

Društvo PERLA d.o.o. zapošljava ovlaštene revizore koji se kontinuirano educiraju prisustvovanjem na seminarima i radionicama Revizorske komore FBiH, te stručnim seminarima u okviru programa kontinuirane profesionalne edukacije čiji nadzor vrši Savez računovođa, revizora i finansijskih radnika Federacije BiH, te samoedukacijom putem stručne literature ili drugih izvora.

## 7. FINANSIJSKE INFORMACIJE O OSTVARENIM PRIHODIMA

Pregled ostvarenih prihoda u 2023. godini ima sljedeću strukturu:

|                               |                |
|-------------------------------|----------------|
| Prihodi od revizijskih usluga | 115.971        |
| Prihodi od ostalih usluga     | 44.735         |
| Ostali prihodi                | 1.372          |
| <b>UKUPNI PRIHODI KM</b>      | <b>162.078</b> |

## **8. INFORMACIJE O PARAMETRIMA ZA UTVRĐIVANJE ZARADA OVLAŠTENIH REVIZORA KOJI POTPISUJU IZVJEŠTAJE O OBAVLJENIM REVIZIJAMA SUBJEKATA OD JAVNOG INTERESA**

Primanja ovlaštenih revizora koji potpisuju Izveštaje o obavljenim revizijama od javnog interesa, su regulisana pojedinačnim ugovorima o radu. Vlasnik ima pravo na isplatu ostvarene neto dobiti društva.

Sarajevo, 30.04.2024. godine



"PERLA" d.o.o. Sarajevo

Alma Delić, prokurista